



3. januar 2010

UPA 2011/67

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matu-muuna saqqummiupparput:

Danmarkimi kalaallit, Kalaallit Nunaanni nappaataasa peqqissarneqarsinnaannginnerat pequtigalugu Brønshøjimi Rigshospitalimilu peqqissarlutik uninggasut kalaaliminernik nerisqartarnissaat qulakkeerniarlugu ukiumut 200.000 kr-ninik nunatta karsianiit aningaasanik immikkoortitsisalernissaq pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasorta, Doris Jakobsen Siumut)

Tunngavilersuut:

2009-mi november qaammat Lars-Emil Johansen-imut Folketingimi paarlattaaninni Danmarkimi kalaallit peqqissartut uninngaviat Brønshøjimiittoq Rigshospitaalilu pulaarpakka.

Taakkunani pulaakkanni kalaallit peqqissartut sulisuilu tamaasa naapippakka ataatsimeeqatigalugillu.

Kalaallit uninngasut ilarpassui kræfteqarlutik allatulluunniit nappaateqarlutik uninngapput, ilaat sivisuumik ilaqtatit qimallugit Danmarkimiittarlutik.

Ingerlatsivinni taakkunani kalaallit uninngasut aammalu sulisut tamarmik naqissuserpaat, peqqissartut peqqissilluarnissaannut kalaaliminernik nerisarnissaq annertoorejussuarmik isumaqartoq. Kisianni pissutsit ullumikkut taamaatsillugit, kalaallit peqqissartut taamaallaat qaammammut annikitsunnguanik kalaaliminertorsinnaasarput, kalaaliminernik nunatsinniik imaluunniit Danmarkimi pisinissamut akissaqannginneq tunngavigalugu. Taakkununga taarsiullugit qallunaat nerisassaat kalaalimineralussarlugit sassaalliutigineqartarput.

Nunagisaq qimallugu, ilaqtatit qimallugit inuttut oqimaattorsiornermi kalaaliminernik nerisarneq peqqissartunut pingaarutilerujussuummat, siunnersuutigaara kalaaliminersiuatissanik nunattalu ernganik pisissutissanik 200.000kr-ninik nunatta karsianit ukiumut immikkoortitsisoqartalissasoq.

Tamanna piviusunngortinneqarpat qularutiginnigilluinnarpara, nunarput qimallugu kalaallinut uninngasunut anneroojussuarmik iluaqutaajumaartoq.

Siunnersuutip aningaasatigut kingunissai

Siunnersuutip akuerineqaneratigut nunatta karsiata aningaasatigut minnerpaamik ukiumut kr. 200.000-inik aningaasartuuteqartalissaaq. Taassuma saniatigut inuiaqatigiinnut sutigut aningaasartuutinik sunniuteqassanngilaq.

Siunnersuutip akuerineqarnerani inuiaqatigiinnut allaffissornikkut annertunerusumik sunniuteqar-navianngilaq ukiumoortumik Aningaasanut inatsimmi qulakkeerneqaannartussaammat ikkusimatin-neqarnissaa.